




THEOPHIL
DE
HOMICIDIO




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1576 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1576 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1576 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1576 4°

8. - 128.

DA BOX

LN 1576

M



THESES
DE
HOMICIDIO
AD DISPUTANDVM
propositæ XXIII Iunij.

* * *
P R A E S I D E
NICOLAO THEOPH:

R E S P O N D E N T E
Benedicto Schirmstero, H:



H A F N I Æ

Excudebat Matthias Vinitor,
Anno Domini,

M. D. XCVI.



Thesis I.

Homicidium, de quo, Deo Opt: Max: favorem nobis suum præstante, disputabimus, est cædes hominis ab homine facta.

II.

Committitur aut Culpa: aut Casu: aut Dolo aut Legis autoritate.

III.

Culpa nomine negligentia & imprudentia, vel potius utriusq; consequens venit.

IIII.

Casum inopinatum rei eventum, qui in manu ac potestate nostra non est, appellamus.

V.

Dolus propositum, studium et voluntatem nocendi significat: Cicero scelus vocat.

VI.

Ex his efficitur IIII esse præcipuas homicidij species, ad quas aliæ, si quæ sunt, non incommode reduci possunt: Culposum sc: Casuale; Dolosum & Legitimum.

VII.

Culposum homicidium est cædes hominis ab homine perpetrata Culpa. b. e. per imprudentiam et indiligentiam, citra animum occidendi.

VIII.

Culpa imperitia affinis est: Itaq; unguentarius medicinae imperitus, si infirmo medicamentum exhibuit, & mors secuta est, culpa non vacat.

Sæntia

IX.

Seuitia quoq; nimia culpa annumeratur: Ludimoderator itaq; & morum adolescentiae formator, si disciplinae causa discipulum durius tractat, & mortis occasionem dat, culpa reus est.

X.

Pro homicidio culpa perpetrato, nemo poena ordinaria legis Corneliae de sicarijs, qua homicidas ferro ultore persequitur, puniri debet: sed mitiore, arbitrio iudicis, ut carcere, exilio, pecuniaria animaduersione.

XI.

Ratio est: quia cessat dolus, quem Lex Cornelia requirit.

XII.

Casuale homicidium est cedes hominis ab homine perpetrata, non studio, non data opera, neq; etiam culpa precedente, sed casu & per accidens: Graeci ἀκουσίον φόνον appellant.

XIII.

Huius cedis illustre est exemplum apud historiarum patrem Herodotum ADRASTVS Midae Phrygiae Regis nepos, Gordij filius: Is enim dum aprum vel ut ipse autor loquitur οὐδὲ μέγα χερμα iaculo traicere conatur: Cræsi filium vnicum interficit.

XIV.

Pari fato cecidisse Carolomannum Ludouici Balbi Imperatoris fratrem, annales docent: Dum enim aprum in venatione insequitur, telo a socio venationis in feram directo, traicitur.

A 3

Casual

XV.

Casuale homicidium veniam meretur, nisi casum
precedat culpa quæ ad casum directa est.

XVI.

Procedit non tantum in simplici homicidio: sed etiam
in atrocissimis delictis ut in parricidio: quod, quia omnium
scelerum & accusationum est complementum, Lege
Pompeia omnium poenarum gravissima sapiens antiquitas
punendum censuit.

XVII.

Ad hanc speciem referri posse existimamus cædes à
furiosis & infantibus factas: Infans vel furiosus, inquit
I. C. Modestinus, si hominem occiderint, Lege Cornelia de
sicarijs non tenentur: cum alterum innocentia consilij tueo-
tur, alterum fati infelicitas excusat.

XVIII.

Quod de furiosis dicitur, de ijs accipiendum est qui
continua mentis alienatione omni intellectu carent &
prorsus nullum habent rationis usum: Nam qui dilucida
habent furoris intervalla, vel quos morbus non sine laxa-
mento agrreditur: si tempore sanamentis delinquunt, pœ-
nis afficiendi sunt.

XIX.

Infantes eos intelligimus, qui doli minime capaces
& infantie proximi sunt: h. e. minores septennio.

XX.

Somno oppressus si hominem interficit: quia dormi-
entis nulla est voluntas, nullumq; propositum, pœnis non
est obnoxius.

Ebrina

XXI.

Ebrius quamvis furioso aliquo modo comparatur:
Nam ebrietas mentis evertit statum & mutat homines ut
Poeta canit, in vultus & terga ferarum.

XXII.

Si tamen ea intentione ad ebrietatem bibit ut animosior
ad caedem faciendam proficiat, ultimo eum supplicio
afficiendum judicamus.

XXIII.

Nec enim vitium conjunctum vitio excusat malef-
ficium.

XXIIII.

Dolosum homicidium est caedes hominis ab homine facta
non culpa neq; casu: sed dolo malo h. e. cum proposito &
certo consilio interficiendi hominis: Graeci φόνον ἐκούσιον vel
φόνον ἐκ προνοίας.

XXV.

Pro hac homicidii specie poena sanguinis tam de ju-
re diuino quam humano imponitur.

XXVI.

De jure diuino expressi sunt textus Genes. 9. Leo-
uit. 24. Numer. 35. Matth. 26 Apoc. 13.

XXVII.

De jure civili Romanorum homicidae olim quidem
poena deportationis cum confiscatione bonorum: hodie ca-
pitis supplicio afficiuntur.

XXVIII.

Præterea infamia notantur & a dignitate
ferendi

ferendi testimonij in causis arduis repelluntur.

XXIX.

De jure civili Da:orum consulto & cogitato hominem neci dans, si in flagranti crimine ἐν ἀντεφω'εω apprehendatur, capitis pœnam luit, amissis bonis, quorum pars Regis fisco, aut eius qui fisci jus a Rege habet, infertur: pars interfecti hæredibus cedit.

XXX.

Cum hac specie cognationem habet Venenatio: Latrocinium: Assasinium & similia.

XXXI.

Venenum malum scienter alicui exhibens ad occisionem, si sequatur mors, tanquam homicida atrox & proditor capitalibus pœnis plecti & ultore gladio ferri debet.

XXXII.

Latrocinium Homicidis jure aggregantur Latrones qui innocentes & incautos fortunis & vita spoliant.

XXXIII.

Cum Latronibus faciunt Assasini h. e. qui precio hominem mactant, vel ad id faciendum alios locant: Vtriq; & mandantes & mandatarij in pari sunt causa.

XXXIV.

Maleficos hosce, Leges & jura tanto prosequuntur odio, ut eos, ne sacras quidem ædes, quæ olim asyla & confugia fuere non tantum alieno ære fatigatis & implicatis, verumetiam magnorum scelerum reis, tutari velint.

Peccat

XXXV.

Peccat itaq; Magistratus; qui hisce humane societatis hostibus violentibus conjunctionem illam arctissimam quam natura inter homines constituit, vel accepta pecunia, vel etiam gratis, delictorum veniam facit & securitatem concedit.

XXXVI.

Nam & Dei mandatum quo iubentur viri sanguinum ab altari auelli & abstrahi, contemnunt: & impunitas spe, quæ, ut Cicero inquit, magna est illecebra peccandi, ad similia scelera committenda alios inuitant.

XXXVII.

Huc quoq; referri possunt homicidia ab ijs perpetrata, qui scelerum conscientia & metu pœnæ manus sibi violentas afferunt & voluntaria morte supplicium antevertunt.

XXXVIII.

Nam qui furoris rabie & phrenesi perciti fatum sibi accelerant, aliâs integri vitæ, scelerisq; puri, horum alia est ratio. //

XXXIX.

Illis iure denegant canones supremum funeris honorem: cum hisce benignius esse agendum, christiana caritas suadet. *

XL.

Peccat itaq; Magistratus nonnunquam hac etiam in parte, qui nullo habito respectu personarum, abrumpentes sibi vis

sibi vitæ filium omnes ex æquo carnifici crudelem in modum lacerandos tradit.

XLI.

Porro penam pro homicidio doloſo á iure impositam non eleuat interfecti vilitas, nec interficientis dignitas.

XLII.

capit. Pœna capitis, decollationem Seneca vocat, hodie alibi gladio, vt in Imperio Romano passim & in lyto hoc regno infligitur; alibi Securi vt in Anglia. Hispania. Islandia.

XLIII.

De iure canonico homicida si est Laicus, excommunicationis fulmine feritur; si Clericus, deponitur et beneficijs priuatur.

XLIIII.

Interdum etiam clericus pœna perpetui carceris pœne doloris & aqua angustiae sustentandus damnatur; vt commissa defleat, & flenda vltius non committat.

XLV.

Nonnunquam præcedente degradatione traditur curia vel brachio seculari condemnandus pœna capitali.

Vide Disp: IIII de qua, quia latissimè patet & nodosiora quædam spectant. Haftenus de III speciebus homicidij. Restat nunc continet quam vt ea paucis thesib. comprehendi possint ea v' o' be' & e' be' h' proxima nostra disputatione conferemus.

Corollarium.

* Ex confessione delicti sola nemo debet condemnari, nisi constet de delicto.



